

吉林司法官報

宣統辛亥年

第五期

宣統辛亥年七月

吉林司法官報

第五期

吉林司法官報局編輯

吉林司法官報第五期目錄

諭旨 七道

章奏

(一)

館部院

法部奏酌定直省省城商埠審判檢察廳廳數員額分別列表摺

又奏熱河設立高等分廳片 法部奏甘肅新疆雲南三省考試法官授職

任用摺 法部會奏補行考驗大理院及各廳法官錄取各員分數等第摺

又奏酌擬各廳請設七品虛級推事檢察官片 法部奏援案擬補黑龍江省

城各級審判檢察廳員缺摺 法部奏總檢察廳及高等地方檢察兩廳擬請

添設典簿主簿員缺摺 又奏高等審判廳添設所長所官片 法部奏舊例

監候待質人犯擬請分別案情遵照現行刑律酌核辦理摺 法部奏續陳第

三年第二屆籌辦成績摺 法部奏酌擬臨時法官養成所附設暨監獄專修

科各項章程摺

外省 東三省總督錫奏裁撤知縣教佐各缺的欸作為審判廳經費摺併

單 山西巡撫丁奏提法司改設屬官分科治事摺 閩浙總督松奏提法使

署設立公所片 又奏福建高等審判廳成立日期片

公牘

(二)

館部院

法部札吉林提法使查明司署及各級審判廳經費是否照部奏

畫一經費辦法報部核辦文 法部通行告誡法官文 法部咨准憲政編查

館咨電覆湖廣總督解釋未設審判廳地方未結之案辦法通行遵照文 法

部咨恭請 王命正法之案應遵館部迭次奏咨新章辦理通行查照文

(二) 外省 安徽提法司詳撫院朱擬將法律專修科改為法官養成所請咨立案

文並批 安徽提法司詳撫院朱遵議私立監獄學堂擬改名稱情形請示文

(三) 本省 提法司詳覆德惠縣知縣管令尙勛稟請設立地方審判分廳截撥

本年新增大租以充經費文 高等檢察廳移高等審判廳為伊通州民侯允
升呈控任尙志一案應歸民庭審判文

批詞

(二) 公署一則 (二) 司署一則 (三) 各廳一則

判詞

(二) 刑事一則 民事一則

法制

直省提法司及各級審判廳劃一經費簡章 臨時法官養成所章程 監獄
專修科章程 新刑律總則集解

譯叢

日本司法省議類典 (續庚戌年第二十二期未完)

雜誌

論子孫違犯教令 法院編制法述義(未完) 法部奏派赴美第八次萬國
監獄改良會會員報告書(已完) 貴州甘肅新疆雲南考試法官名次單

附判

法部奏定省城商埠及繁盛各廳州縣初級審判檢察廳經費表第七

諭旨

宣統三年三月二十二日內閣奉

上諭法部奏熱河改設高等審判檢察廳並請將熱河道暫加提法使銜一摺熱河道著准其暫加提法使銜欽此

同日軍機大臣奉

諭旨修訂法律大臣會奏刑律黃冊繕寫呈覽一摺知道了欽此

三月二十三日內閣奉

上諭四川布政使著周儒臣補授張鎮芳著補授湖南提法使欽此

三月二十七日內閣奉

上諭大理院奏職官夥謀誑騙得贓特符狡展請旨分別革職解任一摺法部候補主事明安泰著即行革職副都統霍倫泰著先行解任一併歸案認真訊辦餘依議欽此

同日內閣奉

上諭法部右丞著魏聯奎署理善佺著署理左參議右參議著劉嘉斌署理欽此

三月二十九日軍機大臣欽奉

諭旨憲政編查館奏議覆錫良奏解釋法令議論紛歧一摺又奏劃分行政審判暨司法審判權限暫行辦法一片均著依議又奏擬派楊度等充考核科總辦等差一片又奏續調科員唐寶鐸一片均知道了欽此

同日軍機大臣欽奉

諭旨憲政編查館會奏核議順天府奏各級審判制度暨現行清訟辦法一摺又奏劃分地方審判廳管轄區域範圍及暫管上訴事宜一片均著依議又奏司法行政分權遇有疑義咨詢館部核定一片知道了欽此

章 奏

一館部院

法部奏酌定直省省城商埠審判檢察廳廳數員額分別列表摺

奏爲酌定直省省城商埠審判檢察廳廳數員額分別列表恭摺仰祈

聖鑒事本年

五月初十日憲政編查館會奏變通府廳州縣地方審判廳辦法一摺內開查法院編制

法所定法官員數應視事務繁簡爲衡員額由法部奏定等語應請

旨飭下法部迅

將直省應設高等以下各審判檢察廳及分廳應設各若干員通盤籌畫奏定遵行務以
量事設官爲主不得於法定若干員以上過於冗濫等因奉

旨依議欽此欽遵當經

電催各省督撫節據陸續咨報到部業於上月奏陳第三年第一屆籌辦成績摺內聲明
各該省應設廳數員額由臣部先期奏定以昭劃一等因在案竊維分庭治事固司法獨
立之要端任官惟人尤審判改良之先務雖直省緣財力之故各因地以制宜而臣部集
中央之權當折衷於一是查臣部上年奏定編制大綱十二條係專爲籌辦省埠各廳而

設就中關於各廳之組織員額之分配固屬單簡辦法即法院編制法內亦無定額明文現在考試已次第告竣各廳即當依限成立臣等謹就各該省咨報應設廳數員數悉心核議參照司法制度體察地方情形斟酌增減期適於中使不至失之冗濫亦不至過於簡略計各省高等以下審判廳及分廳等共應設一百七十三廳而附設之各級檢察廳數亦如之其推事檢察書記各官共設二千一百四十九員而高等審判廳廳丞高等檢察廳檢察長不與焉此外所官職掌原屬獄官範圍然監獄官制未頒布以前自不妨暫照京師各廳辦理其他繙譯官醫官等項本非額缺其原報已設省分應予照准俾資任使既明定整齊劃一之方未可各爲風氣即隱寓擯節制裁之意要非自狹規模謹將各省廳數員額繕具表冊並附說明恭呈 御覽如蒙 俞允即由臣部通咨各省遵照辦理其一切未盡事宜或有應行變通之處當俟各廳成立後由各該省提法使詳審酌擬呈由督撫咨送臣部釐定奏准通行所有酌擬直省省城商埠審判檢察各廳廳數員額緣由理合恭摺具陳伏乞

皇上聖鑒訓示謹

奏宣統二年十一月二十一日

奉 旨依議表併發欽此

(表已登)

宣統二年十一月二十二日奉

旨

又奏熱河設立高等分廳片

奏宣統二年十一月二十二日奉

再查九年籌備清單內開各省省城及商埠各級審判廳限本年成立惟熱河一處既未改建行省又無通商口岸不在本年成立之列但熱河都統籌備憲政摺內疊經奏稱籌辦在案未便令其中止查熱河所屬蒙滿民刑案件向歸該都統管理其繁不減內地查憲政編查館奏司法區域分割暫行章程第二條載有邊疆大員駐所得設高等審判分廳等語熱河詞訟既多又係大員駐所核與設立高等分廳之制相合自應准其設立高等分廳及地方以下各廳以符定章而資治理謹附片陳明伏乞 皇上聖鑒謹 奏

宣統二年十一月二十一日奉

旨依議欽此

法部奏甘肅新疆雲南三省考試法官授職任用摺

奏宣統二年十一月二十二日奉

奏爲甘肅新疆雲南等省考試法官錄取各員擬請照章授職任用繕具清單恭摺仰祈 聖鑒事宣統二年八月九月間甘肅新疆雲南等省考試法官事竣均經各該督撫臣

先後奏明在案旋據該督撫等抄錄原奏並咨送錄取各員等第分數履歷名冊及各場試卷到部臣等派員彙同遵照定章悉心覆核分數履歷大致相符試卷亦多可探查宣統元年憲政編查館奏定法官考試任用暫行章程內載第一次考試合格者分發初級審判廳檢察廳作爲學習人員但開辦之初准以考試成績最優者分發高等以下學習又臣部奏定前項章程施行細則內載京外第一次考試錄取人員以正七品推檢用又載直省開辦之初得由提法使擇成績最優者暫行委署各等語歷經遵照辦理在案所有此次甘肅錄取法官四十二名新疆錄取法官八員名雲南錄取法官二十六員名謹分別繕具清單恭呈 御覽合無仰懇 天恩俯准一律照章以正七品推事檢察官用以資任使統俟將來第二次考試合格再咨由臣部帶領引 見以符定章至新

疆一省地居邊徼道遠才難此次錄取法官僅得八員實在不敷分布屢經該撫電商臣部容俟妥籌辦法再行奏明辦理所有甘肅新疆雲南等省錄取法官擬請授職任用各緣由理合恭摺彙陳伏乞 皇上聖鑒謹奏宣統三年二月初六日奉 旨依議欽

此單另登

法部會奏補行考驗大理院及各廳法官錄取各員分數等第摺

奏爲補行考驗大理院及京師各廳法官謹將錄取及格各員分數等第繕具清單恭摺

會陳仰祈

聖鑒事竊臣張英麟臣紹昌臣曾鑑臣王埈等遵奉

諭旨於宣統二

年十二月初十日起在臣部律學館分場考驗大理院及京師各廳法官業於十六日具

摺恭覆

恩命陳奏辦理情形並聲明將錄取各員分數等第由臣等開單另行具奏

等因在案竊維審判爲斯民生命之所關而考驗尤審判人才之所繫臣等遵照定章恪
慎將事既分筆述口述覘蘊蓄之淺深復以品行成績較供差之優絀平均計算棄取不
敢不嚴等第所關銖兩務求其稱謹將考驗第一次合格二十二員第二次合格一百二
員分數等第繕具清單恭呈

御覽除錄取各員由臣部照章分別任用外所有補行

考驗大理院及京師各廳法官緣由謹恭摺會陳伏乞

皇上聖鑒謹奏宣統三年二

月初六日奉

旨依議欽此

(單另登)

又奏酌擬各廳請設七品虛級推事檢察官片

再京師高等以下各廳經第二次考驗合格人員中有原官不及六品者臣部奏設京師高等以下各廳推事檢察官員缺以六品爲止此項人員實無相當官缺可以改用臣等公同商酌擬請設七品推事檢察官虛級經第二次考驗合格人員除正印各官仍照宣統元年九月間臣部奏定各廳員缺任用升補章程議改外其佐職各官不及六品者均改爲七品虛級推事檢察官俟候補三年期滿轉候補六品推事檢察官後以相當之缺補用以示限制而昭慎重是否有當謹附片具陳伏乞

聖鑒謹

奏宣統三年二月

初六日奉

旨依議欽此

法部奏援案擬補黑龍江省城各級審判檢察廳員缺摺

併單

奏爲援案擬補黑龍江省城各級審判檢察廳員缺據咨開單恭摺請

旨遵行事竊

准東三省總督錫良等咨稱江省省城各級審判檢察廳於宣統元年十月間奏陳開辦並遴選奏調候補投効各項人員或係法政畢業或向充裁判刑幕具有經驗者援案分

別派委先行試署造冊咨報各在案現距開辦至今已逾一年各廳試署人員經提法使隨時考察均能勤慎從公始終奮勉審理民刑新舊案件按月冊報頗著成效自應查照憲政編查館奏核法院編制法摺內聲明京外已設各級審判檢察衙門懸缺待人其現有各項候補推事檢察官由該堂官查驗果係通曉法律長於聽斷之員准出具切實考語奏補現懸各缺等因並援奉省安東等處設廳咨部請補員缺成案將擬補之富安等十七員開明履歷清冊及署理年月加具考語呈由該督等覆核無異援案咨請奏補前來查臣部前於光緒三十三年十二月間奏准會核奉省各級審判檢察廳官制摺內聲明將來法官請簡請補事宜應由開辦審判廳各省隨時開單咨送臣部以便奏明請旨依法升降等因迭經該督遵將奉省擬補各員先後咨由臣部開單奏補各在案茲據該督等咨稱各該員均係審判檢察廳現有推檢人員其辦理推檢書記事務歷有年所又屬著有成績臣等查該省省城各廳開辦較早所有派委試署均在法院編制法未頒以前咨明有案核與憲政編查館奏定已設各級審判衙門請補法官辦法暨編

制法書記官之規定一切資格成績悉屬相符謹摘叙該員等簡明履歷按照奏定品秩將原註考語一併開列清單恭呈 御覽合無仰懇 天恩俯念江省各級廳員缺

緊要准將富安等十三員補授各級審判廳推事檢察官等缺王貴卿等四員補授高等及龍江府地方審判廳典簿主簿等缺其有原官較大者仍援案准留原官原銜俾資策勵如蒙 俞允該員等係請補審檢各官員缺與別項行政官吏不同應即咨行該督等飭令各該員俟接代有人即行咨送臣部帶領引 見以符定制此外該省各廳懸

缺尙多仍由該提法司就在廳各員中認真查驗呈由該督等核准轉咨請補藉重職守而專責成所有據咨請補江省各級審判廳員缺緣由理合恭摺具陳伏乞 皇上聖

鑒謹 奏宣統三年二月初六日奉 旨依議欽此

謹將擬補黑龍江省城各級審判檢察廳缺人員開具銜名並年歲籍貫出身及試署年月分註原咨考語恭呈 御覽 計開 試署高等審判廳刑庭推事儘先選用知府

富安現年四十三歲黑龍江正藍旗漢軍五佐恩慶佐領下監生曾充刑司筆帖式於宣

統元年十月試署今職該員明幹有爲長於折獄擬請補授高等審判廳正六品推事

試署高等審判廳刑庭推事 記名協領明瑞現年四十八歲齊齊哈爾正紅旗英壽佐

領下筆帖式歷充幫掌刑司關防前裁判處豫審委員於宣統元年十月試署今職該員
老成穩練久於讞獄擬請補授高等審判廳正六品推事 試署高等審判廳民庭推事

候選通判張裕謙現年三十八歲浙江會稽縣監生於宣統元年十月試署今職該員通
達事理廳斷詳明擬請補授高等審判廳正六品推事 試署龍江府地方審判廳民庭

推事世襲雲騎尉許蔭椿現年四十三歲江蘇陽湖縣附生奉天法律講習所畢業曾充
承德地方檢察廳委員於宣統元年十月試署今職該員才具開展不辭勞怨擬請補授

龍江府地方審判廳從六品推事 試署龍江府地方審判廳民庭推事俞登瀛現年三

十三歲湖北漢陽縣人日本法政大學專門部法律科畢業於宣統元年十月試署今職
該員心氣和平學有專長擬請補授龍江府地方審判廳從六品推事 試署龍江府地

方審判廳刑庭推事黃炳琳現年四十四歲湖北沔陽州廩貢生日本法政大學專門部

法律科畢業於宣統二年正月試署今職該員練達時務精細過人擬請補授龍江府地方審判廳從六品推事 試署龍江府地方審判廳刑庭推事劉鴻樞現年四十歲湖北

黃安縣增生日本法政大學專門部法律科畢業於宣統元年十月試署今職該員法學嫻熟折獄持平擬請補授龍江府地方審判廳從六品推事 試署龍江府地方審判廳

刑庭推事直隸候補知縣查鈺現年五十三歲安徽銅陵縣廩廕生於宣統二年三月試署今職該員勇於任事體恤民隱擬請補授龍江府地方審判廳從六品推事 署理龍

江府地方檢察廳檢察長民政部七品小京官王鎮南現年三十三歲湖北漢川縣舉人日本明治大學法律專科畢業奏調到江於宣統元年十二月署理今職該員心細才長深通法學擬請補授龍江府地方檢察廳從五品檢察長 試署龍江府地方檢察廳檢

察官袁青選現年三十四歲湖北黃安縣廩生日本法政大學專門部法律科畢業於宣

統元年十月試署今職該員績學通才練達事務擬請補授龍江府地方檢察廳從六品

檢察官 試署龍江府地方檢察廳檢察官同知銜河南試用知縣王鴻遵現年三十三

歲直隸臨榆縣附監生於宣統元年十月試署今職該員操守不苟磊落光明擬請補授
龍江府地方檢察廳從六品檢察官 試署龍江府初級審判廳推事留江候補府經歷
段耀先現年二十六歲直隸昌黎縣監生北洋巡警學堂畢業於宣統元年十月試署今
職該員才具開通辦事明決擬請補授龍江府初級審判廳正七品推事 試署龍江府
初級檢察廳檢察官留江候補縣丞倪韜現年四十七歲浙江蕭山縣監生曾充高等檢
察廳候補檢察官於宣統二年二月試署今職該員嫻習例案肆應有餘擬請補授龍江
府初級檢察廳正七品檢察官 試署高等審判廳典簿候選府經歷王貴卿現年三十
一歲吉林吉林府監生於宣統元年十月試署今職該員平易妥實辦事謹飭擬請補授
高等審判廳正七品典簿 試署高等審判廳主簿府經歷銜高君魁現年二十九歲奉
天法庫廳監生奉天法政學堂畢業於宣統元年十月試署今職該員研究法律心地明
白擬請補授高等審判廳正八品主簿 試署高等審判廳主簿候選縣丞楊璲現年二
十九歲河南商城縣優附生北洋法政學堂畢業於宣統二年四月試署高等檢察廳主